

ЕРТІС

ПАВЛОДАР ОБЛЫСТЫҚ

ҚОҒАМДЫҚ ГАЗЕТ 1999 жылдан бастап шығады

№07 (77). 2008 жыл. 23 қыркүйек

ДИДДАРЫ

Кәрітау қалғандайсын дүр сілкініп...

(Ерейментауда Үмбетей Жырауға
Ескерткіш ашу салтанатына орай)

Үмбетей Баба болды-ау

жүрген ұшып...,

«Қонуға келе жатқан жерін құшып».

Бөкең ерді көргенде тұлпар мінген,
Жайғасқан тұғырына көктен түсіп.

Сол мезетте Кәрітау жатқан мүлгіп,
Селт еткендей көрінді «Үмбетейлеп».
Аздің таудан қол жайып Асан Қайғы,
Тұрғандай «Ереймен ел жасай
бер» деп.

Бар тіршілік бұларға «мойын бұрып»,
Тыңдағандай дүбірді «құлақ түріп».
Аң мен құс ойнақ салып маңайдағы,
Толықсиды өзен, көл тұрған тұнып.

Табиғат сол мезетте бір құлпырып,
Қуанышқа хош айтып, тұрды күліп.
«Ақтабан-шұбырынды» құрбандары,
«Тәуба» десті игі іске дүр сілкініп.

Үмбетей Бөгенбаймен тізе қосып,
Соққы берген жасауына жолын тосып.
Атанған «Жорық жырау» ел ішінде,
Абылайдың алдында мерейі өсіп.

Намыс отын ерлердің кекке жанып,
Жасын жырмен жүрекке

берген жарық.

Ерлігін Бөгенбайдың дастан қылып,
Қалдырған шежіреде жырмен жазып.

Келер ұрпақ Жантайға масаттанып,
Жырға қосты жүрсін деп үлгі алып.

Бес жүз қолмен он мыңға

ойран салған,

Артынан қашқан жасаудың қуып

барып.

Кейде азамат ісіне қайран қалып,
Келеңсіз мінезіне жүрді налып.
Терең ойлы, уытты жырларымен,
Тыюшы еді тентекті тезге салып.

Ел-жұрты Ерейменнің риза болып,
Мереке жасап жатыр көңлі толып.
Бабаның Ұлы тойын ұлықтауға,
Шақырған ағайынды түгел шолып.

Хас батыр - ердің ері туған асып.
Қанды көйлек досымен тұр жарасып.
Әруағын қос алыптың аспандатқан,
Ұрпағы жасай берсін нұры тасып!

Мұрат Мұсайбекұлы Әбдірахманов,
Үмбетей Жыраудың
алтыншы ұрпағы.

Кереку - Ерейментау
22. 08.2010 жыл.